



49

## HISTOR ADMIRABL

EUS A VUEZ

# SANTEZ HELENA.

*Var ton YAN GUERIN.*

C. G. R. M.

BREMA e fell dîn disclêrya  
Ar Vuez Santez Helena :  
Bezit attantif d'e c'hlêvet,  
Ho calon sur a vo touchet.

Clêvet a refot e buez  
Carguet eus a dristidiguez,  
Hac ar martir e deveus bet,  
Hac a zo ganti c'hoarvezet.

Me lavaro déc'h pen-da-ben  
E voa hi caera femelen  
A guement a vije cavet,  
Gant ar bed oll voa enoret.

Beza voa vrassa qalite,  
 Pa voa hi merc'h da eur Roue;  
 Rac merc'h voa d'ar roue Anton,  
 E Constantinopl voa e drôn.

Pa voa Pab e Rom Sant Cleme  
 Ennes a voa eus e c'herent,  
 E voe bars er bed-mâ ganet  
 Er blaves pêvar c'chant ha dec.

Goude an Incarnation  
 A Jesus, hon Roue güirion,  
 Er guær eus a Constantinopl,  
 Hac estimet bras gant ar bobl.

Pa voe en oad a bemzec vloas,  
 He mam diganti a varvas,  
 Ma fellas d'e zad e c'havet  
 Evit ma vije e bried.

Mont a eure da gaout ar Pab,  
 Hac en esper cavet e c'hrat,  
 Evit caout e gonsantamant  
 Da zemezi d'e verc'h yaouanq.

Ar Pab neuze pa er c'hlêvas,  
 A respont gant un horror bras;  
 Pelêc'h m'ar C'hristen var ar bed  
 A guemerfe' verc'h da bried?

Gant an Ilis eo difennet,  
 Ha gant Doue eo ordrenet  
 Na vezo james eureujet  
 Un tad d'e verc'h james nepret.

E ve demeet ur verc'h d'e zad,  
 Ennes zo ur c'hrim execrapl;  
 Ur c'hrim a enep al lezen,  
 Siouas, etouez ar Gristenien.

P'e devoe clêvet Helena  
 Ec'h arruje sur qement-mâ,  
 Var ar môr en em ambarqas,  
 Hac e Flandres en em rentas.

Eno pa voe hi arruet,  
 En un eclus en em rentet,  
 Pa voe tost da un abati,  
 E commenças son ar c'hlec'hi.

Neuze an oll leanezet  
 A voe qerqent bras estonet  
 O clêvet ar c'hleyer o son,  
 Hac int mont oll en orêson.

Hac int mont ha sellet neuze  
 Piou a voa êru er c'hontre,  
 Ma remerqjont ur femelen  
 A zeue d'ho c'haout pen-da-ben.

Mont a rejont e procession,  
 Gant respect ha devotion,  
 Evit monet d'e rancontri,  
 Gant ur joa yras d'e saludi.

Ha pa velas hi aneze,  
 E voe estonet bras ive,  
 Hac oc'h o guelet a vanden  
 O tont d'e rancontr evellen.

Neuze recevijont anezi,  
 Ha cunduet d'an abati;  
 Rac guelet a rent oll certen  
 E care an Autrou souveren.

Mes na chommas qet pell gante,  
 E chenchas timat a gontre  
 Dirac ar roue Catebron,  
 Un den cruel ha dirêzon.

Mont a eure var bord ar môr  
 Evit savetei e enor,  
 Hac e pedas Merdaidi,  
 Mar plich ganeoc'h ya ambarqi.

Un dra derrubl a erruas  
 Pa voant e creiz ar môr glas,  
 Rac an dud oll o voa lazet  
 Gant ar c'horserrien arraget.

Exceptet Santez Helena,  
 A voa ur femelen ar gaëra ;  
 O sònjal cavet e guerc'hdet,  
 E voa hi ganto rezervet.

En orêson en em laqas ,  
 Da Jesus en em recommandadas :  
 M'ho ped , va Jesus , va Roue ,  
 Conservit va virginite.

Pa voa achuet e feden  
 D'hor Zalver Jesus evelen  
 Un tân eus an eê a goesas ,  
 Al lestr hac an dud a losqas.

Hi voe preservet gouscoude  
 Gant ur planqen , dre c'hraç Doue ,  
 Ec'h arruas e rivier Sign ,  
 E qichennic bord ur jardin.

Ar rivier' ye bete Londres ,  
 Hac eno e voa ur verjes ,  
 Hac ur feunteun gaér a gavas ,  
 En e c'hichen e tisquizas.

Ar roue Herri e guelas ,  
 Bars en un dristidiguez vrás ,  
 Azeet etal ar feunteun ,  
 Ha ne voa den en e c'hichen .

Tostât a ras neuze outi,  
Hac e c'houennas diganti :  
Livirit din presantamant  
A belec'h oc'h, merc'hiq yaouanq.

Me zo eus à Gonstantinopl,  
A guerent pinvidic ha nobl,  
Hac a zo amâ achappet  
A dre daouarn ar barbaret.

Ah ! va c'halon a fazi din,  
Rac naon a meus, ne allân mui ;  
Pell bras zo n'emeus débret tam  
Ha va c'halon em c'breiz a rann.

Ar roue Herri p'e c'hlêvas,  
D'e Aumonier a gommandas  
Monet pront da guerc'hat dezi  
Peadra vit e soulaji.

Neuze en e c'hassas gantâ  
Ebars en dy da loja,  
Hac o tont d'e recommandi  
Evel unan a dud an ty.

Goude se e voent demezet,  
Souden e voe grêt an euret,  
Hac ar fest a badas gante  
Betec an nombr a ugurent de.

Daou vlaves antier ez int bet  
 En o flijadur assuret,  
 Qen en em gavas douguerez,  
 Neuze e devoe goal vuez.

Digant e mam-gaer, ar Zantez  
 E devoe calz a baourente;  
 Herves ma rapport an histoar,  
 E devoa calz eus a c'hlac'har.

Ar roue Herri a yas timat  
 Da gaout an tad santel ar Pab.  
 Evel m'en doa recommandet  
 D'ar gombat ouz ar Sarazinet.

Lezel a eure en secret  
 Tri verq er guær eus e gachet :  
 Rei ras unan da Helena,  
 Un all da Vari Clocestra.

An drede neuze a roas  
 D'ar c'hont a voa e vignon bras,  
 Da bini e recommandas  
 E briet gant affection vrás.

Glac'har vrás a voe er pales,  
 O lavaret adieu assambles,  
 Hac epad eiz vloas varnuguent  
 N'en em velint sur e nep hent.

Helena e devoa ganet  
 Daou vuguel a voa caer meurbet  
 He mam-gaer a roas da gredi  
 Penos e devoa bet daou guy.

Ar roue Herri pa glêvas,  
 A voe certen estonet bras,  
 O clêvet e devoa ganet  
 Daou guy evelse e briet.

Neuze e voe hi condaonet  
 Da gaout e brec'h deo troc'het,  
 Hac amaret e bugale  
 Unan dezi a bep coste.

Ambarqet voe var ar môr bras,  
 Ebars e Breiz e tisqennas.  
 Al lestr en devoa e digasset  
 Da Londres a zo retornet.

Cri vije'r galon na voelje,  
 Oc'h e guelet nep a vije,  
 O rî da zena d'e bugale,  
 Hac hi prest da vervel digante.

Da gousqet pa en em laqas,  
 Daou leon eus ar c'hoat a zeuas.  
 Hac a gassas an daou vuguel,  
 Qement-mâ certen voa cruel!

Un Ermit a voa neuze'r c'hoat,  
 Ha diouz ar c'hri a zeuas timat ;  
 Hac a gavas an daou vuguel  
 Etré griffou daou leon cruel.

Unan anê Bric a hanvas ,  
 Eguile Martin a c'halvas ;  
 O daou e voant gantân maguet  
 Epad c'hoezec vloas assuret.

Ebars epad an amzer-mâ  
 E voe e Naonet Helena ,  
 Hac un hostises a gavas ,  
 Truez outi a guemeras.

Chom a eure da zervicha ,  
 Ebars an ty voa'n disterra ,  
 Dispriset voa gant pepini ,  
 Laqet voa da dorcha listri.

Ober a rê gant dilijanç ,  
 Hep na rebel na repugnanc ,  
 Qement a ordrenet dezi ,  
 En o rê oll hep contraigni.

Guelit amâ greg ur Roué  
 Carguet demeus a baourente ,  
 Rentet qen humbl ha qen izel  
 Dirac ar bed universel.

Sellit bremà'n humilite,  
 Hounez a blich bras da Zoue,  
 Rac an humbl a zo exaltet,  
 Hac ar superb zo discaret.

Ar roue Herri distro a Rom,  
 Ha gantâ ar Roue Anton,  
 A erruas en e bales  
 Ebars ar guær eus a Londres.

Allas ! eno pa êruas ,  
 Ar c'hont Clocester a gavas ,  
 Ha goulen neuze digantâ  
 Peleac'h voa eat Helena.

Nao messager voa digasset  
 Dirac ar Roue da lavaret  
 O doa digasset pep a lizer  
 D'ar C'hont Clocester a dra se.

Mes un all a zeuas goude ,  
 A lavaras ar virione ,  
 Penos e voa bet trahisset  
 Gant ar Rouanez côz assuret.

Ar Rouanez côz zo condaonet  
 Da veza en beo losqet ,  
 Abalamour ma e devoa  
 Laqet trec'hi brec'h Helena.

**Me lavaro deoc'h ar recit**  
**An daou vuguel hac an Ermit,**  
**Ha penos voe an disparti**  
**Ebars er c'hoat gant calz a gri.**

**An Ermit var bord ar rivyer**  
**A yeas gant an daou vuguel :**  
**Amàn , emezàn , o qivis ,**  
**Ganén d'am zy ho tigassis.**

**An daou vuguel a respontas**  
**D'an Ermit outi pa gomzas :**  
**N'en dê qet c'houi-ta , Ermit mat ,**  
**Eo a zo a dra sur hon tad ?**

**An Ermit neuze a lavaras**  
**Deze gant tristidiguez vrás :**  
**Allas ! m'ho cavas amàn lezet**  
**Etre bleizi ha loenet.**

**Ha gant truez m'ho tigassas**  
**Ho taou ganén d'am ermitach ,**  
**Hac e meus iveau ho maguet ,**  
**Hoc'h elevet hac instruet.**

**An daou vuguel a lavare**  
**An eil d'eguile aneze :**  
**Pa n'en dê an Ermit hon tad ,**  
**Deomp-ni brêmâ da glasq hor mad.**

An Ermit a voe trist meurbet,  
 Pa o c'hlêvas o lavaret  
 E zajent, allas ! da glasq o mad ,  
 Pa ne voa qet én voa o zad.

Pa voant o tiscours evelse ,  
 Erruont Merdaïdi ene :  
 Brêmâ ez eus c'hoezec vloa  
 E leqezomp amâ Helena.

Gant anqen vrás digonsolet  
 D'e daou vuguel e doa collet ,  
 Ne devoa brec'h nemet unan  
 Da zicour daou vuguel bian.

Neuze e lavaras Martin ,  
 Bric , va breur , deomp bete'r fin ,  
 Elec'h ma plijo gant Doue hor c'hass ,  
 Ma cavimp hor mam ur vech c'hoas.

Merdaïdi , ni ho suppli ,  
 Plijet gueneoc'h hon ambarqi ,  
 Ma zaïmp en hano Doue  
 Da glasq hor brô hac hor c'hontre.

Ar Merdaïdi a respondas  
 D'an daou vuguel pa o c'hlêvas :  
 Deut en hon lestr hac ambarqet ,  
 Ni ho laqai en douar assurer,

En Allamagn ec'h arrujont,  
 Hac arc'hat dezo a rojont ;  
 Ouspen e rojont da leina  
 D'an daou vuguel gant calza joa.

En Bavier pa voant arru,  
 E zeont o daou a ru da ru,  
 Ma o guelas ar Rouanes  
 Ebars er ru eus e fales.

Ma commandas d'e messager  
 Mont da guerc'hat an daou vuguel,  
 Rac qer caér oant eveljan de,  
 Clorianda o admire.

Digasset oant neuze dirazi,  
 Roet e voe deze da zibril :  
 Neuze evel tud affamet  
 Ne squizent o têbri o boed.

Re hir ven ma contentantier  
 Ar brezel voa er brô Bavier ;  
 Mes beza voant victorius  
 An daou vuguel, dre chraç Jesus.

Martin a voa uni den vaillant,  
 Hac ebars er gombat sanglant  
 Laza a ras calz a Sarazinet,  
 Ha calz eus an Turqianet.

An Itron Varia Boloigne

O sicouras sur an deiz-se,

Hac evit caout ar victoar

Dre c'hraç Jesus var an douar.

Da Tour e teujont ac'hane ,

Ur guær a zo en Tourenne ,

Sant-Martin a voa aumonier

Da rî soulach d'ar beorien qer.

O mam iveau a erruas

En Tour gant ur baourente vras ,

Pa voa Martin o tistribui

An aluzen da bep hini.

Goulen a eure diouti ,

Pa deuas da zellet outi ,

Pe a lec'h oc'h-hu deut amâ?

C'houi n'en d'oc'h qet eus ar vro-mâ.

Commanç a ras neuze e galon

Da zonet d'e biqat qen don ,

Neuze et teuas sonch dezâ

Ebars en e vam Helena.

Diaguent en devoa clêvet ,

Evel ma hon eus rapportet ,

E voa troc'het ur vrec'h dezi ,

Hac én dont da zònjal enni.

Neuze en em anavejont,  
 Gant joa vrás en em zaludjont :  
 Autrou Jesus, eme Helena,  
 Va bugale guès a velàn.

Ne zeziren qet qent mervel,  
 Nemet guelet va daou vuguel :  
 Autrou Jesus, Roue an Trôn,  
 Homâ zo consolation  
 Da eur vam e devoa collet,  
 He daou buguel e deus cavet.

Adieu, emezi, va bugale,  
 Mont a ràn brêmân en han' Doue,  
 Ho pet ac'hanòn sonch ha memoar,  
 Va bugale guer, var an douar.

M'em bezo sonch ac'hanoc'h ive  
 Pa vin e rouantelez an eê,  
 Evit ma vezimp oll assambles  
 Er Barados gant an Aëles.

FIN.

**GUERC'HEZ SANTEL,**



**P EDIT EVIDOMP.**